

<><><><><><>

Headlines

- प्रधानमंत्री नरेन्द्र मोदी होरें राश्ट्री गीत “वंदे मातरम्” गी मां भारती दे प्रति ऊर्जा- सुखनें ते समर्पण दा मन्तर करा’र दिंदे होई एहदी सराहना कीती ऐ।
- लैफ्टिनेंट गवर्नर मनोज सिन्हा होरें नौजवानें गी गुज़ारश कीती ऐ जे ओह राश्ट्री मुल्लें-कदरें गी बरकरार रक्खदे होई इक खुशहाल ते विकसित भारत दे निर्माण च अपना जोगदान दिंदे रौहन।
- नगरोंटा ते बडगाम असैम्बली हलकें लेई औंदी 11 नवम्बर गी होने आले उपचुनाएं लेई प्रचार तेज होई गया ऐ। मुख्मन्त्री उमर अब्दुल्ला होरें बडगाम च चुनावी रैली गी सम्बोधित कीता।
- पैहला-पैहला जम्मू बी.एस.एफ मैराथन औंदी 9 नवम्बर गी करोआया जाहगा। बी.एस.एफ दे आई.जी. शशांक आनंद होरें इस आयोजन दे ब्यौरे सांझे कीते।
- जम्मू-कश्मीर दी बसनीक ते विश्व चैम्पियन पैरा-तीरंदाज शीतल देवी होरें एशिया कप दे त्रीये चरण लेई जूनियर तीरंदाजी टीम च अपनी थाहर पक्की करी लैती ऐ।

<><><><><><>

PM Vande Matram

प्रधानमंत्री नरेन्द्र मोदी होरें अज्ज नमीं दिल्ली च राश्ट्री गीत ‘वंदे मातरम्’ दे 150 ब’रे पूरे होने दे उपलक्ष्य च इक ब’रा चलने आहले बशेश समारोहें दा उद्घाटन कीता। प्रधानमंत्री होरें इस मौके पर इक बशेश यादगारी डाक टिक ते सिक्का बी जारी कीता ऐ। श्री मोदी होरें ‘वंदे मातरम् 150 डॉट इन’ नांऽ दे इक पोर्टल गी बी शुरू करोआया ऐ- जित्थे देसै दे बसनीक, राश्ट्र गीत गांदे होई अपनियां वीडियो अपलोड करी सकदे न ते एहदे लेई उ’नेंगी सर्टिफिकेट बी हासल होगा। इस मौके पर आयोजित कार्यक्रम गी संबोधित करदे होई प्रधानमंत्री नरेन्द्र मोदी होरें आखेआ

<><><><><><>

LG Vande Matram

लेफ्टिनेंट गवर्नर मनोज सिन्हा होरें वंदे मातरम् दे 150 ब’रे पूरे होने दे मौके पर संस्कृति विभाग आसेआ जम्मू दे अभिनव थैटर च आयोजित बशेश कार्यक्रमै च हिस्सा लैता। इस मौके पर उ’नें राश्ट्री गीत दे ऐतिहासिक ते सांस्कृतिक महत्व ते भारत दी राश्ट्री चेतना पर एहदे कदें नेई मिटने आहले असर उप्पर लोऽ पाई। श्री सिन्हा होरें भारत दी आजादी दी लड़ाई गी इक नमीं प्रेरणा देने लेई बंकिम चंद्र चटोपाध्याय होरें गी श्रद्धांजलि अर्पित कीती। एल.जी होरें नौजवानें गी गुजारिश कीती जे ओह राश्ट्री मुल्लें-कदरें गी बरकरार रक्खन ते भारत गी खुशहाल ते

विकसित राष्ट्र बनाने लेई लगातार जोगदान दिंदे रौहना। सांसद जुगल किशोर शर्मा ते होरनें बी केइएं नेताएं बी इस कार्यक्रमै च शिरकत कीती। इस मौके पर मीडिया कर्मिण कन्नै गल्ल करदे होई सांसद जुगल किशोर शर्मा होरें आखेआ

<><><><><><>

Campaigning By Polls

जम्मू-कश्मीर दे नगरोंटा ते बडगाम असैम्बली हलकें लेई औंदी 11 नवम्बर गी होने आहले उप-चुनांऽ गितै प्रचार तेज होई गेआ ऐ। बक्ख-बक्ख सियासी पार्टिण दे बड्डे नेता, मतदाताएं गी अपने पक्ख च करने लेई रैलियां ते जनसभां करा'रदे ना। नगरोंटा असैम्बली सीट, उत्थुं दे विधायक देवेन्द्र सिंह राणा हुं'दा पिच्छले ब'रे काल होई जाने करी खाली होई गेई ही जदके बडगाम दी सीट इसकरियै खाली होई कीजे मुख्मन्त्री ओमर अब्दुल्ला होरें गांदरबल सीट गी बरकरार रक्खदे होई बडगाम दी सीट छोड़ी दित्ती ही। इ'नें दौनें गै सीटें लेई केई मेदवार चुनांऽ मैदान च खड़ोते दे न जिस करियै चुनांऽ प्रचार जोरें-शोरें चला'रदा ऐ। नेशनल कांफ्रेंस लेई प्रचार करदे होई मुख्मन्त्री ओमर अब्दुल्ला होरें अज्ज बडगाम च इक चुनावी रैली कीती। इस मौके पर उ'नें आखेआ

<><><><><><>

Satish Single Window

प्रशासनिक दक्षता च बाढ़े दी इक कोशश दे तैहत प्रशासनिक सुधारें- निरीक्षण ते सिखलाइयें सरबन्धी मैहकमें दे मंत्री सतीश शर्मा होरें जम्मू-कश्मीर च भर्थी सरबन्धी नियम तयार ते संशोधित करने लेई सिंगल विंडो डिजिटल प्रणाली गितै प्रस्ता दी समीक्षा लेई इक उच्चि सतह दी बैठक लाई। इस नमीं प्रणाली दा मकसद भर्थी प्रक्रियाएं गी चुस्त-दुरुस्त बनाना- एहदे च लगगने आहले चिर गी घट्ट करना ते सब्बनें सरकारी मैहकमे च इंदी इक्के नेही ते पारदर्शई ढंगै नै अमल-आवरी जकीनी बनाना ऐ। बैठक दौरान मंत्री होरें मैहकमे बश्कार तालमेल-असल समें च निगरानी ते मंजूर नियमें तगर लोकें दी पुज्ज दे महत्वै पर चेचा जोर दिता। एह प्रणाली मजूदा ई-आफिस ढांचे कन्नै जुड़ियै कम्म करोग ते मती जोआबदेही दे कन्नै भर्थी सरबन्धी प्रस्तावें गी तेजिया कन्नै तोढ़ चाढ़ना जकीनी बनाग।

<><><><><><>

Jammu BSF Marathon

फ्रंटियर मुख्यालय बी.एस.एफ जम्मू आसेया आयोजित पैहली जम्मू बी.एस.एफ मैराथन 2025- 9 नवम्बर गी बी.एस.एफ परिसर पलौड़ा जम्मू च आयोजित कीती जाग। इस मैराथन च 4 द्रौड़ आहलियां श्रेणियां शामिल न- 42 km- 21 km -5 km ते 10 km । इस च जम्मू दे बन्ने आहले क्षेत्रें-गुआंडी राज्यें ते पूरे भारत थमां प्रतिभागियें दे शामिल होने दी मेद ऐ। पलौड़ा कैम्प च अज्ज इक प्रैस कांफ्रेंस आयोजित कीती गेई-जिसदी अध्यक्षता बी.एस.एफ जम्मू दे महानिरीक्षक शंशाक आनंद होरें कीती। प्रैस वार्ता गी सम्बोधित करदे होई आई.जी. जम्मू होरें आखेया.

<><><><><><>

Sheetal Asia Cup

विश्व चैम्पियन पैरा-तीरअंदाज शीतल देवी होरें वीरवार गी इक होर बाधा गी पार किता। ओ पैहली भारतीय पैरा-एथलीट बनी गेइयां न-जिने शारीरिक रुपै नै सक्षम अंतराष्ट्रीय प्रतियोगिता लेई चुनेया गया ऐ। शीतल होरें अगले महीने Jaddah च होने आहले एशिया कप State-3 लेई जूनियर तीरअंदाजी टीम च थाहर बनाई ऐ। जम्मू-कश्मीर दी रौहने आहली शीतल होरें 4 दिने दे सलैक्शन ट्रायल च हिस्सा लैने दे बाद जूनियर महिला Compound Ranking च थाहर बनाई।

<><><><><><>

Jhiri Mela Food Safety

शरदालुएं ते सैलानियें लेई सुरक्षित ते स्वच्छ खाना जकीनी करने दी इक बड़ी पैहले तैहत खाद्य ते औषधि नियंत्रण संगठन- जम्मू विभाग नै चला'रदे उत्तर-भारत दे सब्भनं शा बड़े “झिड़ी” मेले दौरान फूड सेफटी ऑन व्हीलस तैनात किता ऐ। इस अभियान तैहत खाने-पीने दी चीजें दी गुणवत्ता ते सुरक्षा मानकें दे अनुपालन दी जांच लेई मौके पर गै नमूनें दी जांच किती जा'रदी ऐ। खाने-पीने कन्नै जुड़े दे व्यवसाय संचालकें गी तुरत FSSAI पंजीकरण जारी करने लेई इक पंजीकरण मेला बी आयोजित किता गया ऐ। इस अभियान दा मकसद मेला परिसर च जागरूकता बढ़ाना ते खाद्य सुरक्षा गी बढ़ावा देना ऐ।

<><><><><><>

Digital Life Certificate

जम्मू-कश्मीर सरकारै पेंशनरें लेई डिजिटल लाइफ सर्टिफिकेट अभियान दे चौथे गेड़ दी शुरुआत कीती ऐ। एहदा मकसद जीवन प्रमाण ते आधार फेस आर.डी. मोबाईल ऐप्स दे राहें डिजिटल प्रमाणन आले तरीके अपनाने लेई पेंशनरें दा दिल बंधाना ऐ। अमले- सार्वजनिक शकैतें ते पेंशनें सरबन्धी मंत्रालय दे सहयोग कन्नै चलाई जा'रदी इस पैहलकदमी दा मकसद पेंशन प्रमाणन आहली प्रक्रिया गी सखल्ला बनाना ते ट्रेजरिंग ते बैंकें च जाने दी जरूरत गी घट्ट करना ऐ। पेंशनर हुन इस बवस्था दे तैहत आपू अपना जीवन प्रमाण-पत्तर डिजिटल तरीके कन्नै तयार करी सकंगन। एहदे लेई पेंशनरें गी [website jeevanpraman.gov.in](http://website.jeevanpraman.gov.in) पर जाना होगा।

<><><><><><>

DM-Fire crackers

पुंछ दे डिस्ट्रिक्ट मजिस्ट्रेट अशोक कुमार शर्मा होरें जिले च अगले हुकमै तगर पटाखें दी बिक्री ते इस्तेमाल पर पूरी चाल्ली पाबंदी लाई दिती ऐ। एह फैसला एस.एस.पी पुलस आसेआ दिती गेदी इक रिपोर्ट मगरा आया- जेदे च ब्याहें आहले दिनें दरान पटाखें दे इस्तेमाल दी गल्ल कीती गेदी ऐ जेदे च सेना ते सुरक्षाबलें गी गलतफहमी होई सकदी ऐ या फही उन्दे लेई यक्को-तक्की आहली स्थिति बनी सकदी ऐ। आतंकवाद या फही गोलीबारी सरबन्धी कुसै बी घटना दरान सुरक्षाबलें दी कार्रवाई पर पटाखे चलाने करी असर पेई सकदा ऐ। भारती नागरिक सुरक्षा संहिता दी दफा-163 तैहत एह पाबंदी लाई गेदी ऐ। अधिकारिणं गी आखेआ गेआ ऐ जे ओहू इस बारै जागरूकता फैलान। हुकमै दी खिलाफवर्जी करने आहलें कन्नै सख्ती नै निब्वड़ेआ जाग।

<><><><><><>

GST

अगली पीढ़ी दे जी.एस.टी सुधारें- आम इस्तेमाल आली चीजें-बस्ते ते सेवाएं पर टैक्स गी घट्ट करियै आम माहनुयै गी बड़ी बड़ुी राहत उपलब्ध करोआई ऐ। सरकार आसेया सेहत बीमे- दोआइयें- शिक्षा- राई-बाई दे उपकरणें ते इलैक्ट्रानिक्स चीजें पर जी.एस.टी. घट्ट करने दे फैसले दा समाज दे सभनें धड़ें बड़ा मता सोआगत कीता ऐ। इस सरबंध्यै च आकाशवाणी समाचार कन्नै गल्ल करदे होई जम्मू दे इक बसनीक अभय कुमार महाजन होरें आखेया

<><><><><><>